

479

Na osnovu stava 2. člana 32. Zakona o zdravstvenom osiguranju („Službene novine Srednjobosanskog kantona“, broj: 13/2000, 13/02, 11/04, 5/05, 12/09 i 10/12) i člana 30. Zakona o kantonalnoj upravi Srednjobosanskog kantona („Službene novine Srednjobosanskog kantona“, broj: 5/98, 10/01 i 15/01), ministar zdravstva i socijalne politike donosi

P R A V I L N I K O IZMJENI PRAVILNIKA O PRAVU OSIGURANIH LICA NA KORIŠTENJE ORTOPEDSKIH I DRUGIH POMAGALA

Član 1.

U Pravilniku o pravu osiguranih lica na korištenje ortopedskih i drugih pomagala („Službene novine Srednjobosanskog kantona“, broj: 4/08, 8/08, 6/09, 3/11, 4/11, 8/11, 6/14, 8/14, 4/17, 9/17, 11/17, 14/17, 11/18, 5/21, 7/21, 13/21 i 5/23), u tački 6. člana 2. „Sredstva za dijabetičare i lica koje koriste hormon rasta“, Tabela 3. mijenja se i glasi:

„Tabela 3.

Naziv pomagala	Rok trajanja (u mjesecima)	Učešće Zavoda u nabavci (do iznosa, u KM)
Uređaj za neograničeno skeniranje nivoa glukoze u međućelijskoj tekućini, uz dodatnu mogućnost mjerenja glukoze i ketona u krvi	trajno	130,00
Senzor za mjerenje glukoze u međućelijskoj tekućini	mjesečno	260,00
Uređaj za neograničeno skeniranje nivoa glukoze u međućelijskoj tekućini i senzor za mjerenje glukoze u međućelijskoj tekućini odobrvat će osiguranim licima do navršenih 26 godina s dijagnostificiranim dijabetesom tip 1.		
Uređaj za neograničeno skeniranje nivoa glukoze u međućelijskoj tekućini i senzor za mjerenje glukoze u međućelijskoj tekućini odobravaju se na osnovu nalaza pedijatra endokrinologa ili interniste endokrinologa, koji nije stariji od 12 mjeseci, u kojem je navedena preporuka za senzore za mjerenje glukoze.		

Osigurana lica koja ostvaruju pravo na uređaj za neograničeno skeniranje nivoa glukoze u međućelijskoj tekućini i senzor za mjerenje glukoze u međućelijskoj tekućini ne mogu ostvariti pravo na trakice za kontrolu šećera u krvi.“

Član 2.

Ovaj pravilnik stupa na snagu danom donošenja i objavit će se u „Službenim novinama Srednjobosanskog kantona“.

Broj: 08-02-1668/23-3

MINISTAR

24. marta 2023.

Travnik

Anto Matić, s. r.

KANTONALNA UPRAVA ZA BRANIOCE

480

Na osnovu člana 61., a u vezi s članovima 9. i 15. Zakona o dopunskim pravima branilaca („Službene novine Srednjobosanskog kantona“, broj 7/16 – prečišćeni tekst) te uz saglasnost Vlade Srednjobosanskog kantona, Kantonalna uprava za branioce donosi

P R A V I L N I K O OSTVARIVANJU PRAVA NA NOVČANU POMOĆ ZA NABAVKU ORTOPEDSKOG POMAGALA

Član 1.

(Predmet)

Ovim Pravilnikom o ostvarivanju prava na novčanu pomoć za nabavku ortopedskog pomagala (u daljnjem tekstu: Pravilnik) utvrđuju se uvjeti i postupak ostvarivanja prava na novčanu pomoć za nabavku ortopedskog pomagala za ratne vojnike invalidne s prebivalištem na području Srednjobosanskog kantona.

Član 2.

(Pojam ratni vojni invalid)

Ratni vojni invalid je lice kojem je svojstvo ratni vojni invalid utvrđeno rješenjem nadležnog organa na osnovu Zakona o pravima branilaca i članova njihovih porodica („Službene novine Federacije Bosne i Hercegovine“, broj: 33/04, 56/05, 70/07, 9/10, 90/17 i 29/22).

Član 3.

(Pravo na novčanu pomoć za nabavku ortopedskog pomagala)

(1) Pravo na novčanu pomoć za nabavku ortopedskog pomagala ima ratni vojni invalid kojem je rješenjem nadležnog organa uprave utvrđeno pravo na ortopedski dodatak.

(2) Pravo na novčanu pomoć za nabavku ortopedskog pomagala lice iz stava (1) ovoga člana ostvaruje za tjelesno oštećenje za koje ima pravo na ortopedski dodatak.

(3) Ako ratni vojni invalid ima više tjelesnih oštećenja na osnovu kojih ostvaruje pravo na ortopedski dodatak, pravo na novčanu pomoć za nabavku ortopedskog pomagala odobrit će mu se za svako ortopedsko pomagalo koje koristi.

Član 4.

(Vrste ortopedskih pomagala)

(1) Ratni vojni invalid iz članova 2. i 3. ovoga pravilnika, u zavisnosti od utvrđenoga vojnog invaliditeta, tj. tjelesnog oštećenja, ima pravo na novčanu pomoć za nabavku:

- a) ortopedskog pomagala za gornje ekstremitete, i to:
- 1) podlaktatne proteze,
 - 2) podlaktatne mioelektronske proteze,
 - 3) nadlaktatne proteze,
 - 4) nadlaktatne mioelektronske proteze,
 - 5) proteze za šaku;
- b) ortopedskoga pomagala za donje ekstremitete, i to:
- 1) natkoljene proteze,
 - 2) potkoljene proteze,
 - 3) proteze stopala,
 - 4) proteza prsta stopala,
 - 5) proteze pete stopala;
- c) ostalih ortopedskih pomagala, i to:
- 1) očne proteze,
 - 2) slušnog aparata,
 - 3) ortopedskih cipela.
- (2) Ratni vojni invalid iz članova 2. i 3. ovoga pravilnika ima pravo na pomoć za nabavku ortopedskih cipela ako ne ostvaruje pravo iz tačke b) stava (1) ovoga člana.

Član 5.

(Vrste ortopedskih pomagala za paraplegičare)

Ratni vojni invalid iz članova 2. i 3. ovoga pravilnika, od I do IV grupe invalidnosti, s pravom na ortopedski dodatak (ratni vojni invalid – paraplegičar), ima pravo na novčanu pomoć za nabavku:

- a) ortopedskog pomagala za paraplegičare:
- 1) invalidskih kolica,
 - 2) antidekubitalnog jastuka za invalidska kolica,
 - 3) antidekubitalnog madraca,
 - 4) toaletnih kolica za paraplegičare;
- b) sredstava za higijenske potrebe paraplegičara.

Član 6.

(Uvjeti za ostvarivanje prava)

(1) Uvjeti za ostvarivanje prava na novčanu pomoć za nabavku ortopedskog pomagala za gornje i donje ekstremitete te ostalih ortopedskih pomagala su:

- a) da ratni vojni invalid ima prebivalište na području Srednjobosanskog kantona;
- b) da je ratni vojni invalid kojem je rješenjem nadležnog organa utvrđeno pravo na ortopedski dodatak.

(2) Uvjeti za ostvarivanje prava na novčanu pomoć za nabavku ortopedskog pomagala za paraplegičare i sredstava za higijenske potrebe paraplegičara su:

- a) da ratni vojni invalid ima prebivalište na području Srednjobosanskog kantona;
- b) da je ratni vojni invalid od I do IV grupe invalidnosti kojem je rješenjem nadležnog organa utvrđeno pravo na ortopedski dodatak.

Član 7.

(Iznos novčane pomoći za nabavku ortopedskog pomagala za gornje ekstremitete)

(1) Ratnom vojnom invalidu koji ispunjava uvjete utvrđene stavom (1) člana 6. ovoga pravilnika odobrit će se novčana pomoć za nabavku ortopedskog pomagala za gornje ekstremitete u novčanom iznosu kako slijedi:

- a) za podlaktatnu protezu 2.500,00 KM;

- b) za podlaktatnu mioelektronsku protezu 10.000,00 KM;
- c) za nadlaktatnu protezu 3.000,00 KM;
- d) za nadlaktatnu mioelektronsku protezu 12.000,00 KM;
- e) za protezu šake 1.000,00 KM.

(2) Pravo na novčanu pomoć za nabavku podlaktatne ili nadlaktatne mioelektronske proteze ima ratni vojni invalid koji ispunjava uvjete utvrđene stavom (1) člana 6. ovoga pravilnika i kod kojeg postoji obostrana podlaktatna ili nadlaktatna amputacija ruku.

Član 8.

(Iznos novčane pomoći za nabavku ortopedskog pomagala za donje ekstremitete)

Ratnom vojnom invalidu koji ispunjava uvjete utvrđene stavom (1) člana 6. ovoga pravilnika odobrit će se novčana pomoć za nabavku ortopedskog pomagala za donje ekstremitete u novčanom iznosu kako slijedi:

- a) za natkoljenu protezu 4.500,00 KM;
- b) za potkoljenu protezu 3.500,00 KM;
- c) za protezu stopala 2.000,00 KM;
- d) za protezu prsta stopala 1.500,00 KM;
- e) za protezu pete stopala 1.500,00 KM.

Član 9.

(Iznos novčane pomoći za nabavku ostalih ortopedskih pomagala)

(1) Ratnom vojnom invalidu koji ispunjava uvjete utvrđene stavom (1) člana 6. ovoga pravilnika odobrit će se novčana pomoć za nabavku ortopedskog pomagala u novčanom iznosu kako slijedi:

- a) za očnu protezu 1.000,00 KM;
- b) za slušni aparat 700,00 KM;
- c) za ortopedske cipele 200,00 KM.

(2) Za ortopedsko pomagalo koje nije obuhvaćeno odredbama ovoga pravilnika može se odobriti novčana pomoć za nabavku u iznosu od 30% od vrijednosti ortopedskog pomagala, ali najviše u iznosu od 1.000,00 KM.

Član 10.

(Iznos novčane pomoći za nabavku ortopedskog pomagala za paraplegičare)

Ratnom vojnom invalidu – paraplegičaru koji ispunjava uvjete utvrđene stavom (2) člana 6. ovoga pravilnika odobrit će se novčana pomoć za nabavku ortopedskog pomagala za paraplegičare u novčanom iznosu kako slijedi:

- a) za invalidska kolica 5.000,00 KM;
- b) za antidekubitalni jastuk za invalidska kolica 1.000,00 KM;
- c) za antidekubitalni madrac 500,00 KM;
- d) za toaletna kolica za paraplegičare 800,00 KM.

Član 11.

(Iznos novčane pomoći za nabavku higijenskih sredstava za paraplegičare)

(1) Ratni vojni invalid – paraplegičar koji ispunjava uvjete utvrđene stavom (2) člana 6. ovoga pravilnika ima

pravo na novčanu pomoć za nabavku higijenskih sredstava u novčanom iznosu od 6.000,00 KM.

(2) Pravo na novčanu pomoć za nabavku higijenskih sredstava ratni vojni invalid – paraplegičar može ostvariti jednom godišnje.

Član 12.

(Potrebna dokumentacija)

(1) Zahtjev za novčanu pomoć za nabavku ortopedskog pomagala podnosi se Kantonalnoj upravi za braniocce.

(2) Uz zahtjev za novčanu pomoć za nabavku ortopedskog pomagala prilaže se:

a) uvjerenje o prebivalištu, obrazac PBA-4 (originalni ili ovjerena kopija);

b) uvjerenje o statusu ratnog vojnog invalida iz kojeg se vidi grupa invalidnosti, stepen ortopedskog dodatka i stepen dodatka za tuđu pomoć i njegu, s napomenom o tome da li se radi o ratnom vojnom invalidu kojem je amputiran ekstremitet ili o paraplegičaru, koje nije starije od 90 dana (originalno ili ovjerena kopija);

c) kopija tekućeg računa;

d) nalaz liječnika specijaliste o potrebi za korištenjem ortopedskog pomagala (ovjerena kopija);

e) potvrda o nabavci ortopedskog pomagala, koju je ovjerio Zavod za zdravstveno osiguranje Srednjobosanskog kantona (kopija).

Član 13.

(Ostvarivanje prava na novčanu pomoć za nabavku ortopedskog pomagala)

Pravo na novčanu pomoć za nabavku ortopedskog pomagala može ostvariti ratni vojni invalid u zavisnosti od vrste ortopedskog pomagala koje koristi, i to:

a) potkoljenu protezu, protezu stopala – svake tri godine;

b) natkoljenu protezu – svake četiri godine;

c) protezu stopala – svake tri godine;

d) protezu prsta stopala – svake tri godine;

e) protezu pete stopala – svake tri godine;

f) podlakatnu protezu – svake četiri godine;

g) nadlakatnu protezu – svake četiri godine;

h) totalnu protezu šake – svake četiri godine;

i) ortopedske cipele – svake tri godine;

j) očnu protezu – svake četiri godine;

k) slušni aparat – svakih pet godina;

l) ortopedsko pomagalo koje nije obuhvaćeno odredbama ovoga pravilnika – svakih pet godina.

Član 14.

(Ostvarivanje prava na novčanu pomoć za nabavku pomagala za paraplegičare)

Pravo na novčanu pomoć za nabavku pomagala za paraplegičare može ostvariti ratni vojni invalid – paraplegičar za nabavku:

a) invalidskih kolica – svake četiri godine;

b) antidekubitalnog jastuka za invalidska kolica – svake četiri godine;

c) antidekubitalnog madraca – svake četiri godine;

d) toaletnih kolica – svakih pet godina.

Član 15.

(Donošenje rješenja)

Kantonalna uprava za braniocce će odlučiti o zahtjevu za novčanu pomoć za nabavku ortopedskoga pomagala u roku od 30 dana od dana primitka zahtjeva.

Član 16.

(Osiguravanje finansijskih sredstava)

Sredstva za ostvarivanje prava na novčanu pomoć za nabavku ortopedskog pomagala osiguravaju se u Budžetu Srednjobosanskog kantona – Kantonalne uprave za braniocce.

Član 17.

(Vremensko važenje Pravilnika)

Zahtjevi u vezi s nabavkom ortopedskog pomagala koji nisu riješeni do stupanja na snagu ovoga pravilnika, rješavat će se prema odredbama ovoga pravilnika.

Član 18.

(Primjena pojedinih odredbi Pravilnika)

(1) Odredbe članova 5., 10. i 11. ovoga pravilnika neće se primjenjivati ako su u suprotnosti s važećim okvirnim sporazumima o javnoj nabavci ortopedskih pomagala.

(2) U skladu s odredbom stava (1) ovoga člana, nabavka ortopedskih pomagala prema članovima 5., 10. i 11. ovoga pravilnika provodit će se na osnovu odredbi važećih okvirnih sporazuma o javnoj nabavci ortopedskih pomagala.

Član 19.

(Prestanak primjene)

Ovim pravilnikom zamjenjuje se Pravilnik o ostvarivanju prava na ortopedsko pomagalo („Službene novine Srednjobosanskog kantona“, broj: 3/19).

Član 20.

(Stupanje na snagu)

Ovaj pravilnik stupa na snagu narednog dana od dana objave u „Službenim novinama Srednjobosanskog kantona“.

Broj: 11-33-8935/22

DIREKTOR UPRAVE

23. novembra 2022.

Travnik

Esad Crnica, s. r.

Na ovaj Pravilnik o ostvarivanju prava na novčanu pomoć za nabavku ortopedskog pomagala Vlada Srednjobosanskog kantona je dala saglasnost na 149. sjednici održanoj 8. decembra 2022. godine, Odlukom, broj: 01-11.7-9234/22 od 8. decembra 2022. godine